

## ნესტან სულაგა

### სახისმეტყველებითი ასპექტები „შ. იოანე ზედაცხლის ცხოვრებაში“

#### მოკლე შინაარსი

სამეცნიერო ლიტერატურაში „შ. იოვანე ზედაზნელის ცხოვრების“ კვლევა სხვადასხვა თვალსაზრისით, კერძოდ, ტექსტოლოგიურ-კოდიკოლოგიური, საღვთისმეტყველო და სახისმეტყველებითი ასპექტების გამოსავლენად კარგა ხანია მიმდინარეობს. ჩემი სტატიის განხილვის საგანია „შ. იოვანე ზედაზნელის ცხოვრების“ კიმენური რედაციის რაობის, არსის, ლირებულების, ქართველი ერის ისტორიაში ასურელ მამათა დვაწლის, დამსახურებისა და მნიშვნელობის განსაზღვრა, სახისმეტყველებითი ასპექტების, ბიბლიური სიუკეტებისა და ხატ-სახეების თხზულების პერსონაჟებთან მიმართების არსობრივი განხილვა, მასში გამოყენებული მხატვრულ-გამომსახველობითი საშუალებების გამოვლენა, რათა დადგინდეს თხზულების, როგორც საღვთისმეტყველო და ლიტერატურული ნაწარმოების, ადგილი ქართული ლიტერატურის ისტორიაში, რისთვისაც უნდა შევსწავლოთ თხზულების მიმართება ბიბლიისთან, პაგიოგრაფიულ და სხვა ლიტერატურულ თხზულებებთან, პერსონაჟის წარმოსახვის პაგიოგრაფიული ხატებულება, ნაწარმოების მსგავსებები სხვა ასურელ მამათა შესახებ დაწერილ თხზულებებთან, რაც დაგვეხმარება „შ. იოვანე ზედაზნელის ცხოვრების“ იდეურ-მსოფლმხედველობრივი, მხატვრულ-გამომსახველობითი, ესთეტიკური რაობა-რაგვარობის უკეთ გამოსავლენად და დასადგენად.

როგორია ასურეთიდან//სირიიდან წამოსული შ. იოვანეს გზა, რაზე გადის იგი? როგორია პაგიოგრაფიული პერსონაჟი და რა თვისებებითაა აღჭურვილი? როულია გზა, რომელიც წ. იოვანემ აირჩია. იგი სულიერებით ადსაგსე და განწმენდილი გონებით შეუდგა ქრისტეს გზაზე სვლას, რაც ქანაანისაკენ მიმავალი აბრაა-მის გზას მოგვაგონებს და ასეცა გააზრებული თხზულებაში. წ. იოვანე, „ვითარცა ვარსკულავ“, შუამდინარეთიდან გამობრწყინდა. სირიიდან ჩრდილოეთით, ქართლში წამოსვლა გადაწყვიტა. მისი ქართლს მოსვლა თხზულებაში დავთის ნებითაა განსაზღვრული, რაც ძველი და ახალი აღთქმის პიოდიგმურ-პარადიგმული სახეებით არის ნაჩვენები. წ. იოვანეს ქართლისაკენ წამოსვლა სახარებისეული ეპიზოდით, აღმოსავლეთით მოტყინარე ვარსკულავისაკენ

მოგვების სელის ეპიზოდითაა შთაგონებული, რაც, აგრეთვე, სახისმეტყველებითად გასააზრებელია.

წმ. ოვანე ზედაზნელის მოძღვრება, რომლითაც მან მიმართა თავის მოწაფებს და რომელიც, რეგაზ სირაძის ვარაუდით, თვით წმ. ოვანე ზედაზნელის მიერ შექმნილი „სწავლანი“ უნდა იყოს, აღსავსეა საღვთო სიბრძნით, ზნეობრიობითა და დმრთივსულიერობით. მის სიტყვებში გამოსჭვივის ქრისტიანული საღვთოსმეტყველო ლიტერატურის ღრმა ცოდნა, დიდი სულიერი გამოცდილება, დამოკიდებულება ამგვეუნიურობისა და ზესთასოფლისადმი, ძველი და ახალი აღთქმის პრინციპების ბერმონაზნურ ყოფაში გატარებისა და დოგმების დაცვის აუცილებლობა. წმ. ოვანეს მოძღვრებაში ახსნილია ანგელოზთა და კაცოა ბუნების, სოფლისა და ზესთასოფლის რაობა, დეთისმეტყველების ღრმაზაზროვანი დებულებების საფუძველზე განმარტებულია, ვინ არის და რისთვის მოსულა ადამიანი; მან მოწაფებს ადამის ცოორის, აკრძალული ნაყოფის გემოსხილვის ბიბლიური სიუჟეტიც გაახსენა, რათა უცოომლად სიარულს, ბერულ დვაწლს მიჩვეოდნენ. მოწაფეები გააფრთხილა, რომ დეთის მცნებებს არ გარდასულიყვნენ. წმ. ოვანე ზედაზნელმა აღასრულა სრბად თვისი და დატოვა წმინდანის სახელი. მან და მისმა მოწაფეებმა უდიდესი მნიშვნელობის საქმეს ჩაუყარეს საფუძველი, ეს ლავრული ცხოვრება იყო, ხოლო სამონასტრო ცხოვრებას მოჰყვებოდა სარწმუნოებრივი და სახელმწიფოებრივი საქმეებიც, რადგან მონასტერი ის ადგილი//სივრცე იყო, სადაც იწერებოდა თხზულებები, სრულდებოდა თარგმანები უცხო ენებიდან, ენიარანული გირაფებიდან, ფრესკული მხატვრობა, ხუროთმოძღვრება, მიმდინარეობდა ხელნაწერთა გადაწერა-გამრავლება, მონასტრებში არსებობდა სამგალობლო სკოლები, რომლებსაც ერის სულიერი აღმზრდელის როლი ეკისრებოდა, რადგან იგი, როგორც სიტყვისა და მელოსის ნაზავი, მსმენელზე უდიდეს გავლენას ახდენდა. ყოველივე მის სათავეებთან წმ. ოვანე ზედაზნელი და მისი მოწაფეები დგანან. ასურელ მამათა მოღვაწეობაში ღრმა კვალი გაავლო ქართული კალესის, ქართული კულტურის, საქართველოს ისტორიის, ქართული ლიტერატურის ისტორიაში. სამეცნიერო ლიტერატურაში აღნიშნულია, რომ მათ განსაკუთრებული, მოციქულებრივი, კონცეპტუალური როლი შეასრულეს ქართველი ერის ქრისტიანული მართლმადიდებლური აღმსარებლობის, დიოფიზიტური ცხობიერების დამკვიდრებაში, რაც ეპოქალური მოვლენა იყო.

**საქვანძო სიტყვები:** წმ. ოვანე ზედაზნელი, სახისმეტყველუბითი ასპექტები, ბიბლიური სიუჟეტები და სატ-სახეები, დოოფიზიტური ცხობიერება.

## SOME SYMBOLS IN „LIFE OF SAINT IOAN ZEDAZNELI“

### *Abstract*

The main task of my article to discuss the symbols in „Life of Saint Ioan Zedazneli“ according the special issue of the story. To study the main characteristic of the story, to identify the place of the story and its value in Georgian Literature. We have to study the story in parralel of the Bible, other hagiographical stories, we have to identify some similarities other hagiographical stories. The story has main similarities with the stories writen about the life of Saint Fathers from Asureti (Syria), all abovementioned will help us define the importance of „Life of Saint Ioan Zedazneli“, to define the value of the idea of the story, aesthetic meaning of it and its fiction.

First of all we ahve to ask how does the way of Saint Ioan from Asureti looks like? Difculty chosen by him was the way to the Christ, to the spiritual life. This way reminds us the way of Abraham to Canaan and it is shown in the story themselves. Saint Ioan like a star shined from the Medieval. He decided to went to Kartlifrom Siria. His coming to Kartli is defined by the will of the God which is given by paradigmatic-hipodigmic faces from Old and New Testament. His coming to Kartli is given by the episode from the New Testament like the star from the east and it looks like the Gospels walk trough the star which is also the symbol.

The teaching and the praying of the Saint Ioan Zedazneli is full of the wisdom from the Bible, full of the moral and plurality. In his speech we hear the deep knowledge of theology, great spiritual experience, attitude to the mortal and heaven life, necessity of using New Testament’s principles in monkhood. In his stories it is given the explanation of characteristic of Angels and human, meaning of life and heaven life, mortal and immortal world, on the base of these studies it is given the explanation of who is the human and what is the mission of human life. He remind to the prayers the sinful life of first humans to get used to the holy life, life without sin and hard life of Monks. He remind to the prayers not to change God’s will, he lived in his way perfect and left us holy name. He and his learners established great work, it was the Monks life, life which was dealded to the state development later. Monasteries were the places where the stories were writen, some stories were translated from one language to another, making icons, architecture, rewriting of manuscripts, in moasteries there were schools for hymns, which were playing the roles of spiritual development of learners, the combination of melody and meaning was impressing the listeners. On the top of all this work was standing Sain Ioan Zedazneli and his learners. Activities carried on by the holy fathers from Asureti made great effect on the

life of Georgian Church, culture and the history of the nation and its literature. They played great role to establish the concept of Christianity within Georgians, which was the event for the epoch, especially for establishing the diophysical consciousness.

**Key Words:** Saint Ioan Zedazneli, Symbols, episodes from the Bible, diophysical consciousness

**მიზანი.** სამეცნიერო ლიტერატურაში „წმ. იოვანე ზედაზნელის ცხოვრების“ სახისმეტყველებითი ასპექტების შესწავლისას უკრადდება გამახვილებულია ოხზულების რაობის, არსის, ღირებულების განსაზღვრაზე საქართველოს ისტორიასა და ქართული ლიტერატურის ისტორიაში, კერძოდ, რევაზ სირაძის სტატიაში „ვიცი, რაისათვის ვარ“ (სირაძე, 1992: 32-60) განხილულია ოხზულების სტრუქტურა და სახისმეტყველებითი ასპექტები. „წმ. იოვანე ზედაზნელის ცხოვრება“ სამი რედაქციოთა მოღწეული: კიმენური, მეტაფრასული, სვინაქსარული; მათგან კიმენურს, XIII საუკუნის ხელნაწერს, ესაა A-199, აქვს რედაქციული სხვაობის მქონე კიდევ ორი ხელნაწერი, რომლებიც პირველ ხელნაწერს მიჰყება, მაგრამ მოკლე ტექსტია და ამიტომ ისინი ცალკე რედაქციად არც განიხილება. ჩემი სტატიის განხილვის საგანია „წმ. იოვანე ზედაზნელის ცხოვრების“ კიმენური რედაქციის სახისმეტყველებითი ასპექტების, ბიბლიური სიუჟეტების, მოტივებისა და ხატ-სახეების ურთიერთმიმართებების შესწავლა, მასში გამოყენებული მხატვრულ-გამომსახველობითი საშუალებების გამოვლენა, რათა განისაზღვროს ოხზულების, როგორც საღვთისმეტყველო და ლიტერატურული ნაწარმოების, ადგილი ქართული ლიტერატურის ისტორიაში.

**ქლევის მეთოდი:** ნაშრომში გამოყენებულია კვლევის მულტიდისციპლინური მეთოდები, კერძოდ: ისტორიულ-შედარებითი, ანალიტიკური და ჰერმენევტიკული კვლევის მეთოდები, რათა დადგინდეს ოხზულების სახისმეტყველება, განისაზღვროს მისი არსი, მიმართება ბიბლიასთან, სხვა ჰაგიოგრაფიულ ოხზულებებთან, საზოგადოდ, სხვა ლიტერატურულ ნაწარმოებებთან, განისაზღვროს მისი მსგავსებები სხვა ასურელ მამათა შესახებ დაწერილ ოხზულებებთან, რაც დაგვეხმარება „წმ. იოვანე ზედაზნელის ცხოვრების“ იდეურ-მსოფლმხედველობრივი, მხატვრულ-გამომსახველობითი, ესთეტიკური რაობა-რაგვარობის უკეთ გამოსავლენად და დასადგენად.

**შესაგალი.** VI საუკუნის საქართველოს სარწმუნოებრივ, კულტურულ და საზოგადოებრივ ცხოვრებაში მთავარ მოვლენად უნდა მივიჩნიოთ ასურელი წმინდა მამების ქართლში მოსვლა. საქართველოში სამონასტრო ცხოვრებას საფუძველი მათ ჩაუყარეს, ქრისტიანობის გასავრცელებლად და განსამტკიცებლად საქართველოს სხვადასხვა კუთხეში ეკლესია-მონასტრების აშენებითა და ქადაგებით უდიდესი მისიონერული საქმიანობა, ფაქტობრივად, მოციქულებრივი დვაწლი გასწიეს, რაც აღნიშნულია რ. სირამის ნაშრომში (სირამე, 1992: 32-60). არსებითად, მათი მოღვაწეობით დასრულდა საქართველოს სრული ქრისტიანიზაცია, რომელიც I საუკუნიდან დაიწყო, IV საუკუნეში წმ. ნინოს მოღვაწეობით გაგრძელდა, მიიღო სახელმწიფოებრივი სტატუსი და კიდევ გრძელდებოდა შემდეგშიც, მოელი ორი საუკუნის განმავლობაში, რადგან არა მხოლოდ საქართველოში, არამედ მთელ ქრისტიანულ სამყაროში აღმსარებლობით საკითხთა თაობაზე ერესებთან სარწმუნოებრივ-იდეოლოგიური ბრძოლა საუკუნენახევრის განმავლობაში, ზოგთან მეტი ხნის განმავლობაშიც, მიმდინარეობდა. ამ მხრივ, ქართველი ერის ისტორიაში ასურელი მამების დამსახურება განსაკუთრებულია და ქართველთა განმანათლებლის წმ. ნინოს მოღვაწეობასაც კი უტოლდება იმის გამო, რომ საქართველოში ისინი დიოციზიტური ცხობიერების დამკვიდრების სათავეებთან დგანან. თუმცა, არის მეორე, საკმაოდ ანგარიშგასასაწევი შეხედულებაც, კერძოდ კ. კეპელიძისა და მის მიმდევართა თვალსაზრისი, რომლის მიხედვით ასურელი მამები სირიაში მონოფიზიტთა დევნას გამოექცენ და ქართლში მოვიდნენ, ისინი მონოფიზიტები იყვნენ.

შემთხვევითი არ არის ის გარემოება, რომ ძველ ქართულ საისტორიო წყაროებსა და ლიტერატურულ-საღვთისმეტყველო თხზულებებში საქართველოში მათი მოსვლა, დვაწლი და დამსახურება საგანგებოდ აღინიშნება. ყოველივე ამას რამდენიმე პაგიოგრაფიული და ჰიმნოგრაფიული თხზულება მიეძღვნა. „ქართლის ცხოვრების“ მიხედვით, მათი „ცხოვრებები“ ადრევე დაუწერიათ, ვარა უდიოთ, მათი გარდაცვალების უახლოეს წლებში, დაახლოებით VI-VII საუკუნეებში: „დაიწერა ცხოვრება და სასწაული მათნი და დაისხენს ეკლესიათა შინა ქართლისათა“. დასანანია, რომ ასურელი მამების „ცხოვრებათა“ თავდაპირეველ ვერსიებს ჩვენს დრომდე არ მოუღწევიათ. ამჯერად ხელთ

გვაქვს ასურელი//სირიელი მამების „ცხოვრებათა“ ორი ძირითადი გერსია: 1) ძველი, კიმენური ვერსიები, IX-X საუკუნეებისა, სავარაუდოდ, კათალიკოს არსენის მიერ დაწერილი; მათი შემცველი ხელნაწერები უფრო გვიანდელია; 2) მეტაფრასული ვერსიები, XI-XII საუკუნეებისა, რომელთა ავტორებიც უცნობია. გვაქვს სვინაქსარული რედაქციებიც, რომელთა უმეტესობა გვიანდელია, XVII-XVIII საუკუნეებში შექმნილი. კიმენურსა და მეტაფრასულში მოიპოვება წმ. იოანე ზედაზნელის, წმ. შიო მღვიმელის, წმ. დავით გარეჯელის „ცხოვრებები“ და „წმ. აბიბოს ნეკრესელის წამება“. „ცხოვრებათა“ ვერსიების მრავალფეროვნება ძველ ქართულ მწერლობაში ასურელი მამებისადმი დამოკიდებულებას, პატივისცემას, მოკრძალებას, მათი ღვაწლის მნიშვნელობასა და პოპულარობას მოწმობს. საგანგებოდ უნდა აღინიშნოს „ქართლის ცხოვრების“ ანა დედოფლისეული ხელნაწერისათვის „წმ. იოვანე ზედაზნელის ცხოვრების“ დართვა, რაც კონცეპტუალურ დირექტულებას იძენს ასურელ მამათა აღმსარებლობის განსასახლევრად.

ასურელ//სირიელ მამათა შესახებ მოკლე ცნობები დაცულია აგრეთვე IX-XI საუკუნეების ქართულ საისტორიო წყაროებში: „მოქცევად ქართლისად“ და „გახებანგ გორგასლის ცხოვრების“ გაგრძელებაში, რომლის ავტორად მეცნიერთა ნაწილი ლეონტი მროველს, ნაწილი ჯუანშერს მიიჩნევს. XVIII საუკუნის დასაწყისში „სწავლულ კაცო მიერ“ შედგენილ „ქართლის ცხოვრებაში“ სხვა დამატებებთან ერთად შეტანილია ზოგიერთი ასურელი მამის ცხოვრება-მოღვაწეობის ამსახველი ეპიზოდები და მათი სახელების ჩამონათვალი. ასურელ მოღვაწეებს ორიოდე სიტყვით ვახუშტი ბატონიშვილიც ახსენებს. საქართველოში ანაქორებული ფორმით ბერმონაზვნობა სირიელ მამათა ჩამოსვლამდეც არსებობდა, ხოლო ასურელმა//სირიელმა მამებმა ჩვენთან საფუძველი ჩაუყარეს კინობიტურ (კინოვიალურ) და ლაგრულ ცხოვრებას, თუმცა, ისინი მარტოდმყოფობის მიმდევრებიც იყვნენ. გრიგოლ ფერაძის შეხედულებით, ანაქორებული, ანუ მარტოდმყოფობის, ფორმა ბერმონაზვნობისა საქართველოში მათ მოსვლამდეც არსებობდა, ხოლო ასურელმა მამებმა ლაგრულ მოღვაწეობას ჩაუყარეს საფუძველი (ვერაძე, 2006). ამ თვალსაზრისით მნიშვნელოვანია „წმ. შემანიკის წამებაში“ ნახსენები ვინძე „წმიდა კაცი“, რომელიც, ასმათ ჯიქიას ვარაუდით, მარტოდმყოფი ბერი უნდა ყოფილიყო (ჯიქია, 2002: 47-48). აღმოსავლეთ საქართველოს სხვადასხვა კუთხეში ასურელ

მამათა მიერ დაარსებული მონასტრები ძალიან მაღვ იქცა მძლავრ სამონასტრო ცენტრებად და საქართველოს სულიერ და კულტურულ ცხოვრებაში მთელი შეა საუკუნეების მანძილზე უდიდესი როლი შეასრულა. საქართველოს მართლმადიდებელმა სამოციქულო ეკლესიამ ასურელი მამები წმინდანებად შერაცხა.

ასურეთიდან მოსულ წმინდა მამათა მოსვლასთან დაკავშირებით რამდენიმე საკითხი დაისმის: ასურელ მამათა „ცხოვრება-წამების“ რედაქციები და მათი დაწერის თარიღი<sup>1</sup>; ასურელი მამების რაოდენობა; გინაობა, ეროვნება, ენა; საქართველოში მათი მოსვლის დრო; რელიგიური მრწამსი; რას ადიარებდნენ, დიოციზიტობას, მონოფიზიტობას თუ ნესტორიანობას; ასურელ მამათა დამსახურება ქართული ეკლესიის წინაშე; მათი „წამება-ცხოვრებათა“ ავტორობის პრობლემა; ტექსტოლოგიური საკითხები. სამეცნიერო ლიტერატურაში ამ საკითხთა შესახებ დღემდე აზრთა სხვადასხვაობაა. და ბოლოს, უნდა შევასდეს თხზულებათა სადაცისმეტყველო, სახისმეტყველებითი, ლიტერატურულ-მხატვრული და ესთეტიკური ლიტებულება, რათა განისაზღვროს მათი მნიშვნელობა და ადგილი ქართული ლიტერატურის ისტორიაში. სტატიაში სწორედ ამ ბოლო საკითხთა შესახებ, განსაკუთრებით სახისმეტყველებითი პრობლემატიკის შესახებ, გვექნება მსჯელობა.

**მსჯელობა.** ორიოდე სიტყვით ჰაგიოგრაფიის სახისმეტყველებითი ასპექტების თაობაზე. ქრისტიანული ლიტერატურისა და ხელოვნების სახისმეტყველებითი აზროვნების საწყისები მითოსში, უძველეს ლიტერატურაში, ფილოსოფიურ თხზულებებსა და ბიბლიაშია საძიებელი. ამიტომ მიიჩნევა მხატვრული ლიტერატურისა და ხელოვნების უმთავრეს საფუძვლად სახეებით აზროვნება, შესაბამისად, ლიტერატურა და ხელოვნება მხატვრული აზროვნების შედეგია. მხატვრულ ლიტერატურაში სამყარო შეიცნობა სახეობრივი აზროვნებით, ხოლო ქართული ლიტერატურა, როგორც ქრისტიანული კულტურის გამოხატულება, ქრისტიანული სახეობრივი აზროვნების საფუძველზე გაიაზრება, რის განხილვის საფუძველზე რევაზ სირაძე იმ

<sup>1</sup> „შ. იოვანე ზედაზნელის ცხოვრების“ სინური ხელნაწერის აღმოჩენის შემდეგ, რომელიც 2009 წელს გამოსცა ზახა ალექსიძემ, აუცილებელია მისი გათვალისწინებით მეცნიერული ტექსტის ხელახლა მომზადება.

დასკვნამდე მიგიდა, რომ სახისმეტყველება ქართული ესთეტიკური აზროვნების მაჩვნენებელია (სირაძე, 1975). სწორედ ამიტომ მხატვრულ ნაწარმოებში ისტორიული ფაქტების, მოვლენების, პიროვნებათა სახისმეტყველებითი ასპექტების შესწავლა, როგორც სააზროვნო სისტემისა, ეპოქის თეოლოგიური სურათის წარმოსახვის, რელიგიური შეხედულებების შეფასების საშუალებას მოგვცემს. მწერლის მიერ ლიტერატურულ ნაწარმოებში მოცემული ერის განვითარების ეტაპების ცალკეულ ისტორიულ მოვლენათა თუ მთელი ეპოქების შესასწავლად უნიკალურ შესაძლებლობებს იძლევა სახისმეტყველება, როგორც სააზროვნო სისტემა, რომელიც გვეხმარება ფაქტებისა და მოვლენების ეპოქის ფსიქო-ისტორიულ, რელიგიურ-მსოფლმხედველობრივ ჭრილში გასაანალიზებლად. „შ. იოვანე ზედაზნელის ცხოვრება“, სხვა ასეურელ მამათა წამება-ცხოვრებებთან ერთად, მეტად საინტერესო სურათს იძლევა სახისმეტყველებითი ასპექტებისა და ამ თხზულებათა მხატვრული სამყაროს წარმოსახენად.

ზემოთ აღინიშნა, რომ „შ. იოვანე ზედაზნელის ცხოვრება“ ორი კიმენური რედაქციით გვაქვს შემონახული: 1. ერთია შედარებით კრცელი, რომელიც ასეა დასათაურებული: „ცხორებად წმიდისა მამისა ჩუენისა იოვანე ზედაზნელისად, რომელი ბრძანებითა დმრთისათა და წინამდევრობითა სულისა წმიდისათა მოივლინა ქუეყანით შუამდინარით ქუეყანად ქართლისად ათორმეტთა მოწაფეთა მისთა წმიდათა თანა“; მას აქვს მინაწერი, რომელიც გვამცნობს, რომ იგი „განაახლა და განავრცო წმიდამან [მამამან] ჩუენმან ქრისტეს მიერ არსენი კათალიკოზმან“ (ძეგლები, 1963/1964: 191). 2. ჟერო მოკლე რედაქციაა, რომელიც ორ ხელნაწერშია დაცული და დასათაურებულია შემდეგნაირად: „ცხორებად და მოქალაქობად წმიდისა მამისა ჩუენისა იოვანე ზედაზნელისა და მოწაფეთა მისთა, რომელთა განაათლეს ქუეყანად ესე ჩრდილოეთისაა“; აქეს მინაწერი: „ხოლო აღწერა არსენი კათალიკოზმან სარგებლად, რომელი ისმენდენ“ (ძეგლები, 1963/1964: 191). ორივე თხზულების სახელწოდება სახისმეტყველებით ელემენტებს შეიცავს, რადგან იმთავითვეა მონიშნული ეგანგელური მოძღვრების პარადიგმად წ. იოვანე ზედაზნელისა და მისი ოორმეტი მოწაფის ზუსტი ანალოგია მაცხოვრისა და მისი ოორმეტი მოწაფის მიმართ, რაც სამეცნიერო ლიტერატურაში სათანადოდ აღნიშნულიცაა. (კ. კაპელიძე, ი. ჯავახიშვილი, რ. სირაძე, ილ. აბულაძე და სხვ.).

ამავე დროს, სამცნიერო ლიტერატურაში, კერძოდ, კორნელი გეკელიძისა და ივანე ჯავახიშვილის შრომებში, აღნიშნულია, რომ ასურელი მამები ცამეტნი არ ყოფილან, გაცილებით მეტნი იყვნენ, რაც შემდგომი პერიოდის მეცნიერებმაც გაიზიარეს. მიუხედავად ამისა, სათაურის სიმბოლიკა მთელ ნაწარმოებს გასდევს. ამასთან საგანგებო უურადღებას იქცევს მოკლე ტექსტის სათაურში გამოთქმული სიმბოლური ხატი: „რომელთა განანათლეს ქუეყანად ესე ჩრდილოეთისად“, რაც ჩრდილოეთით მდებარე ქვეყნის, უმზეო ქვეყნის სულიერ განათებას, ნათლით შემოსვეს მოასწავებს, ხოლო ჩრდილოეთის ქვეყანა, უმზეო ქვეყანა საქართველოა (შდრ.: სირაძე, 1992: 32-60). ასევე იყო ჩრდილოეთის ქვეყნად „მოქცევად ქართლისადს“ ტექსტშიც ქართლი წარმოსახული, საითკენაც უნდა წასულიყო წმ. ნინო ქრისტიანობის საქადაგებლად. „წმ. ოვანე ზედაზნელის ცხოვრებაში“ ამ ფრაზას სხვა დანიშნულება, სხვა დირექტულებითი კონტაციაც უნდა პქონდეს. რას უნდა ნიშნავდეს „განანათლებ“, როდესაც საქართველოში ქრისტიანობა სახელმწიფო რელიგიად წმ. ნინოს მოღვაწეობის შედეგად გამოცხადდა 326 წელს; ნანა დედოფლისა და მირიან მეფის გაქრისტიანება იყო ბოლო საფეხური, როდესაც ქართლის ოფიციალური გაქრისტიანების პროცესი, მოქცევის პროცესი დასრულდა და ქრისტიანობა სახელმწიფო რელიგიად გამოცხადდა. ჩვენი აზრით, „განანათლებ“ დიოციზიტური ცხობიერების, მრწამსის დამკვიდრებას მოასწავებს, რადგან VI საუკუნის ქართლი, აღმოსავლეთ საქართველო სარწმუნოებრივად აღრეულია, ერთდროულად არსებობდა მონოფიზიტობა, დიოციზიტობა, ნესტორიანობა (შედარებით ნაკლებ გავრცელებული). თუ ამ სიტყვაში დიოციზიტობა არ იგულისხმება, მაშინ მხოლოდ სამონასტრო ცხოვრების დამკვიდრებალა რჩება, რაც ქართველი ერის ისტორიაში ასურელ მამათა ღვაწლის დირექტულებას არასრულად მოგვააზრებინებდა.

თხულებას წინ უძღვის არსენ ქართლის კათოლიკოსის წინასიტყვა ეპისტოლის სახით, რომელშიც ავტორის მიზანდასახულობა, მსოფლმხედველობა, ქრისტიანული დოგმების მოკლე მიმოხილვა, თხულების დამკვეთის, მიქაელისადმი მიმართვაა გადმოცემული (ძეგლები, 1963/1964: 192-196). იგი დეტალურად აქვს განხილული რ. სირაძეს (სირაძე, 1992: 37-43), ამიტომ ადგინძნავ მხოლოდ იმას, რომ ეპისტოლე მოწმობს ავტორის დრმა განათლებას საღვთისმეტყველო ლიტერატურის

თოთქმის ყველა დარგში, განსაკუთრებით ბიბლიის, დოგმატიკის, ეპისტოლოგრაფიისა და სხვა დარგების ცოდნის მაღალ დონეს; ამ თვალსაზრისით ბევრი რამ არის საერთო იოვანჯ საბანის ძის პაგიოგრაფიულ თხზულებასთან, რომლის ეპისტოლები სამოედ ქართლის კათალიკოსისადმი და პაგიოგრაფიული თხზულების პირველ თავში ავტორის ქრისტიანული მსოფლმხედველობა და სამყაროს აღქმა გამოსჭვივის, ხოლო საღვთისმეტყველო ლიტერატურის ძირითადი პრობლემატიკა ღრმადა გაანალიზებული. მეტად მნიშვნელოვანია იოვანჯ საბანის ძისა და არსენი კათალიკოსის ეპისტოლებში მკითხველისა თუ მსმენელისადმი მიმართვა, რომელიც მოითხოვს თხზულებაში მონათხრობის აღსაქმელად „სასმენელთა განმზადებას და სარწმუნოებით შეწყნარებას“ (ძეგლები, 1963/1964: 196). „შ. იოვანჯ ზედაზნელის ცხოვრებისათვის“ წამდლგარებულ ეპისტოლებში დამერთის შესახებ დოგმატიკურ შეხედულებებთან ერთად გადმოცემულია სამყაროს შექმნის ბიბლიური მონათხრობი, ბიბლიურ პერსონაჟთა ამბები, რომელთაც პიპოლიმური სიმბოლური და მხატვრული მისია აკისრიათ პაგიოგრაფიული პერსონაჟების სრულყოფილად წარმოსახვის მიზნით.

თხზულების ავტორი მოგვითხრობს იმის შესახებ, თუ რა იყო მოღწეული ასურელ//სირიელ მამათა წამება-ცხოვრებიდან და თვითონ რატომ შეუდგა მათ შესახებ თხზულებათა შექმნას. როგორც ეს წინათქმა გვაუწყებს, ასურელ მამათა „ცხორებების“ ყველა კიმენური თხზულება არსენს დაუწერია მის ხელთ არსებული არასრულად აღწერილი ძევლი ცხოვრებების საფუძველზე, ამავე დროს, სხვათაგან, მცოდნე პირთაგან, გამოუკითხავს და ისიც ჩაურთავს აღსაწერად. ასურელ//სირიელ მამათა „წამება-ცხორებათა“ შორის რიგით პირველი თხზულება „შ. იოვანჯ ზედაზნელის ცხოვრებაა“, რომლის მთავარი პერსონაჟი, ცხადია, თვით წ. იოვანჯ ზედაზნელია.

როგორაა ასახული წ. იოვანჯ ზედაზნელი თხზულებაში და რა სულიერი მისია აკისრია მას, მის ღვაწლს ქართული ეკლესიის ისტორიაში, ქართველი ერის სულიერი ცხოვრების მოწესრიგებაში, რამ განსაზღვრა ქართლში მისი მოსვლა და როგორ, რა მხატვრულ-გამომსახველობითი საშუალებებითაა წარმოსახული თხზულებაში. ძირითადად ამ საკითხთა შესახებ გვექნება საუბარი. წ. იოვანჯ წარმოშობით იყო სირიიდან, „ქუექანით შუამდინარით“, ანტიოქიიდან. თხზულების დასაწყისიდანვე იგი „ღმერთშემოსილის“ ეპითეტით, სიმბოლოთი

შემოდის<sup>2</sup>, რომელიც ქრისტიანულ სადგთისმეტყველო ლიტერატურაში „ქრისტეშემოსილობას“ უკავშირდება, მისგან მომდინარეობს და მისი ერთგვარი სახეცვლილი ვარიანტია. წყაროების მიხედვით, იოვანეს მშობლების ვინაობა უცნობია. პაგიოგრაფიაში ხშირია გმირის იმგვარად წარმოსახვა, როდესაც მის ოჯახზე, გარემოზე ავტორი ბევრს ვერაფერს გვეუბნება, ან საერთოდ ვერაფერს ამბობს, რადგან ეს მისთვის, როგორც პაგიოგრაფისათვის, არაა მნიშვნელოვანი. ისიც შესაძლოა, რომ არც არაფერი იცოდეს. თუმცა, გვაქვს პაგიოგრაფიულ თხზულებათა მთელი რიგი, რომლებმიც მთავარი პერსონაჟის გვარ-ჩამომავლობაზე, ვინაობაზე, ოჯახზე განსაკუთრებული აქცენტია გაკეთებული, რასაც ევანგელური ახსნა აქვს: „ესრეთ ყოველმან ხემან კეთილმან ნაყოფი კეთილი გამოიღოს, ხოლო ხემან ხენეშმან ნაყოფი ხენეში გამოიღოს. ვერ კელეწიუვების ხესა კეთილსა ნაყოფისა ხენეშისა გამოდებად, და არცა ხესა ხენეშსა ნაყოფი კეთილი ყოფად“ (მ., 7, 17-18); ე.ი. ჩამომავლობას, წრესა და გარემოს წმინდანის სულიერი ცხოვრების ჩამოყალიბებაში წვლილი მიუძღვის. წმ. იოვანეს ოჯახის შესახებ ცნობების მოუწოდებლობა შესაძლოა უფრო ამ ცნობათა მოუდწევლობამ განაპირობა, რადგან, როგორც ზემოთაც ითქვა, თხზულების არქეტიპი არ შემონახულა, ხოლო ის, რაც ხელო გვაქვს, გვიან, X საუკუნეში დაიწერა; ავტორი თავად ამბობს, რომ იგი თხზულების მეორედ აღმწერია: „ჩუენდა ნეტარ არს მეორედ აღწერად“ (ძეგლები, 1963//1964: 198). ავტორს დიდ პატივიად მიაჩნია თხზულების მეორედ აღწერა, რადგან, ქრისტიანული მსოფლმხედველობით, ყოველი სასულიერო თხზულება ძველ ნააზრევსაც ასახავს და აქ გათვალისწინებული არაა საავტორო უფლებები მასთან დაკავშირებული პრობლემებით იმ რწმენის გამო, რომ ყველაფერი სული წმიდისაგან მოდის, სული წმიდის დაწერილია და პაგიოგრაფი-მწერალი დვთავებრივი აზრის მხოლოდ გამტარია, მსმენელისა თუ მკითხველისათვის გადამცემია, და სწორედ ესაა მისი უმთავრესი ღირსება (შდრ.: გიორგი მერჩულის ცნობა წმ. გრიგოლ ხანცოველის მიერ „საწელიწდო იადგარის“ დაწერის შესახებ).

<sup>2</sup> „დმერთშემოსილის“ შესახებ იხ.: ლ. გრიგოლაშვილი, დროისა და სიცრცის პოეტიკა ქართულ პიმნოგრაფიაში, კრებ.: ივიროვნი – 1000. თხუ გამომც., 1983.

როგორია წმ. იოვანეს გზა, რაზე გადის იგი? გზა, რომელიც წმ. იოვანემ აირჩია, როგორია, იგი სულიერ დირექტულებათა მოპოვებასა და სისრულის მიღწევაზე გადის. გასათვალის-წინებელია წმ. იოვანე ზედაზნელის სახელის სიმბოლური არსი, იგი „ღვთის მადლს“ აღნიშნავს, რაც წმინდანის ქმედების მნიშვნელობასა და ღირებულებას მიუთითებს. მისი საქმიანობა, ქართლისაკენ სვლა ღვთის მადლითა გამსჭვალული და მოტივირებული. მან საქართველო ღვთის მადლით უნდა აღავსოს და ჰეშმარიტი რწმენის დამკვიდრებას შეუწყოს ხელი. ამიტომაც შემოდის თხზულებაში წმ. იოვანე ზედაზნელი იოანე ნათლისმცემლისა და იოანე მახარებლის/ღვთისმეტყველის პარადიგმით, ხოლო ზედაზენზე აშენებული ტაბარი და იქ დაარსებული მონასტერი იოანე ნათლისმცემლის სახელს ატარებს. როგორც იოანე ნათლისმცემელია მაცხოვრის წინამორბედი და მას ამ ზედწოდებითაც ვიცნობთ, ასევე წმ. იოვანე ზედაზნელი ქართველი ერისათვის სულიერების თვალსაზრისით წინამორბედია, რადგან მას და მის მოწაფეთა სახელს უნდა დაგუავავშიროთ დიოციზიტური ცნობიერების დამკვიდრება (სამცნიერო ლიტერატურაში ძირითადად ორგვარი შეხედულებაა გამოთქმული ასეურელ წმინდა მამათა აღმსარებლობის შესახებ, მაგრამ მათ განხილვას აქ არ შევუდგებით).

სულიერებით ადსავსე და განაწინდილი გონებით შეუდგა წმ. იოვანე ქრისტეს გზაზე სვლას, რაც ქანანისაკენ აბრამის გადაადგილებას, სივრცის შეცვლას, სულიერების მოსაპოვებლად გასავლელ გზას მოგაგონებს. წმ. იოვანე ახალგაზრდობისას, „სიჭაბუკითვე თვისით“ ასურეთში//სირიაში ბერად შედგა და სულიერი სრულყოფის მაღალ საფეხურს იქვე მიაღწია, როგორც მარხვით, სიმდაბლით, მარადის მდგინარებით, ცრემლით, ვეღრებით, ლოცვით, შრომითა და მოღუაწებით გამორჩეულმა პიროვნებამ; ღვთისაგან მინიჭებული მადლით იზრდებოდა, როგორც თხზულებაშია ნათქვამი, „დღითი-დღე წარემატებოდა“ (ძეგლები, 1963//1964: 197). იგი, „ვითარცა ვარსკულავი“, შუამდინარეთიდან გამობრწყინდა, ღმერთმა, მაცხოვრისა და სხვა წმინდანთა დარად, წინასწარმეტყველებისა და სხეულთა კურნების უნარი მიანიჭა, რის შედეგადაც მთელს სირიაში გაითქვა სახელი. ვარსკვლავივით გამობრწყინება მაცხოვრის შობისას მოქაშებულება ვარსკვლავის გამოჩენასა და მოგვთათაყვანისცემის სცენას შეიძლება შევადაროთ, რადგან სამხრე-

თიდან იწყება წმ. იოვანეს დგთის მადლით ადგსილი მოღვაწეობა საქართველოში. სირიაშივე კურთხევის მისაღებად მასთან მრავალი ადამიანი მიდიოდა. სხვა პაგიოგრაფიულ თხზულებათა პერსონაჟ-წმინდანების მსგავსად, წმ. იოვანე გაურბოდა ამგევებით დიდებას, განმარტოებისაკენ ისწრაფვოდა, მარტოდ დაყედება სწადდა. ამიტომ რამდენიმე მოწაფესთან ერთად შორეულ უდაბნოში წაგიდა, გამოქვაბულში დამკვიდრდა და „ჰგონებდა ფარვასა თავისა თჯისასა“ (ძეგლები, 1963//1964: 197). ეს მოტივი, „ფარვა თავისა თჯისა“, უთუოდ გვეცნობა, რადგან პაგიოგრაფიაში ერთობ გავრცელებულია. მაგალითებად შეიძლება დავასახელოთ 1. ხუედიოსი, რომელმაც წმ. გრიგოლისა და მის თანამოაზრეთაგან მოითხოვა, რომ მის სიცოცხლეში ხანკოტაში ტაძარი არ აეგოთ, მხოლოდ მისი გარდაცვალების შემდეგ ეძლეოდათ საამისო კურთხევა; 2. ამისკენ მიისწრაფვის წმ. იოვანე მთაწმინდელი, რომელმაც ჯერ ოთხთა მონასტერს მიაშურა, შემდეგ ათონზე მყოფი ესპანეთის იბერიისაკენ მიიწვევდა სულიერი მომავლისა და სიმარტოვის მისაღწევად; 3. წმ. გიორგი შეუენებული, რომელიც ანტიოქიაში „ნაპრალსა შინა“ მყოფობდა და სხვ. მაგრამ წმ. იოვანე ზედაზნელს აქაც მიაგნეს და მასთან ლოცვა-კურთხევის მისაღებად ხშირად დადიოდნენ, რითაც მის მისწრაფებას მარტოობისა და განდეგილური ცხოვრებისაკენ საფრთხე დაემუქრა, რის გამოც გადაწყვიტა უცხო ქვეყანაში წასვლა, სადაც არავინ იცნობდა და სადაც განმარტოებით დაყუდების შესაძლებლობა მიეცემოდა. სულიწმინდის მითითებით ასურეთიდან//სირიიდან ჩრდილოეთით, ქართლში წამოსვლა მარტოდმყოფობის მძაფრმა სურვილმა და მისწრაფებამ გადააწყვეტინა. მისი ქართლს მოსვლა თხზულებაში დგთის ნებითაა განსაზღვრული, რაც ძველი და ახალი აღთქმის პიპოდიგმურ-პარადიგმული სახეებით არის ნაჩვენები. ერთი მხრივ, ძველი აღთქმის კვალობაზე მისი სვლა ქართლისაკენ ქანაანისაკენ აბრაამის სვლის პარადიგმად გაიაზრება, რადგან ორივენი, აბრაამი და წმ. იოვანე ზედაზნელი ღმერთმა გამოიყვანა „ერთისაგან ქუმანისა, ერთისაგან ნათესავისა“ (ძეგლები, 1963//1964: 198).

წმ. იოვანეს ქართლში მოსვლა პავლე მოციქულის სიტყვებითაა განტკიცებული: „შეუეთუ თქექნ ქრისტესნი ხართ, აბრაამისნი ვიდრე-მე შვილნი ხართ, აღთქუმისაგან მისგან მკვდრნი“ (გალატ. 3, 29), რაც მიუთითებს, რომ წმ. იოვანე ზედაზნელი აღთქმის შვილია და მისი დგაწლი ქრისტიანულ

სამყაროს უნდა გასწვდეს. მისი მრწამსია: „დაღათუ კპოვო, რომელსა ვეძიებ“ (ძეგლები, 1963//1964: 198) და „ვიცი, რაისათვეს ვარ“. ყოველივე ეს ვანგელური სწავლებითაა მოტივირებული: „ირეპლიტ და განგელოს, ითხოვდიტ და მოგეცეს, ეძიებდიტ და პპოვოთ“ (მათე, 7, 7; ლუკა, 11, 9). მეორე მხრივ, წმ. იოვანეს ქართლისაკენ წამოსვლა სახარებისეული ეპიზოდით, აღმოსავლეთით მოტივინარე ვარსკვლავისაკენ მოგვების სვლის ეპიზოდითაცაა შთაგონებული, რასაც, აგრეთვე, სახისმეტყველებითი გააზრება უდევს საფუძლად.

წმ. იოვანე მაცხოვრის სიმბოლიკით იწყებს სვლას ქართლისაკენ. მანამდე მას შემოკრებილი ჰყავდა მოწაფეები, რომელთა ჰიპოდიგმად მაცხოვრის მოწაფეები იგულისხმებიან. წმ. იოვანეს ვინაობა დვოთის ნებით გაცხადდა, როგორც დვოთის მონისა და ესეც სახარებითვეა ახსნილი: „ყოველი, რომელი დაიმდაბლებდეს თავსა თჯსა, იგი ამაღლდების“ (მათე, 23, 12; ლუკა, 18, 14). მოწაფეებმა არ ისურვეს მოძღვაროთან განშორება, რისთვისაც ბიბლიური სიბრძნე დაიმოწმეს: „ცხოველ არს უფალი, ცხოველ არს სული შენი, არა განგიტეოთ შენ მარტო“ და მასთან ერთად გამოემართნენ. თხზულებას პოეტურობას სძენს მწერლის რიგორიკული მიმართვა მოწაფეთა დვაწლის შესაფასებლად, რომელშიც მოძღვრისა და მოწაფის ამაღლებული სიყვარული წარმოჩნდება: „შ შუენიერთა მოძღვრისა მოწაფეთა კეთილი იგი შეთქმულება! საკრველსა მას სიყვარულისასა შეეკრნეს, ორნაგსა მას ქრისტისა მიზიდვიდეს ერთობით“ (ძეგლები, 1963//1964: 199). მაგრამ წმ. იოვანეს ქართლში ყველა თავისი მოწაფე არ წამოუკანია, მას არც შეეძლო ყველა მოწაფე წამოეკვანა ქართლში, ესეც ევანგელური მოტივაციით არის თხზულებაში ახსნილი: „ესრეთ იყვნენ წინანი უკუანა, და უკუანანი წინა, რამეთუ მრავალნი არიან ჩინებულ და მცირედნი რჩეულ“ (მ. 20, 16). ზოგიერთი წყაროს მიხედვით, წმ. იოვანეს უფალმა უბრძანა გამოერჩია 12 მოწაფე და რწმენის განსამტკიცებლად მათთან ერთად წასულიყო ქართლში. წმ. იოვანემ და მისმა მოწაფეებმა 10 დღე გაატარეს ლოცვასა და მარხვაში, შემდეგ ყველა მოწაფის სახელები ჩამოწერეს და საბურთხეველზე დაალაგეს. ყველანი მთელი დამის განმავლობაში ლოცვლობდნენ. მეორე დღეს, უამისწირვის შემდეგ, ანგელოზმა საკურთხევლიდან აიღო და წმ. იოვანეს ხელში ჩაუდო ნაწერი, რომელზეც 12 მოწაფის სახელი ეწერა. სწორედ ეს მოწაფეები უნდა წაეკვანა იოვანეს ქართლში.

წმ. ოოვანე და მისი მოწაფეები ასურეთიდან//სირიდან საქართველოსაკენ გამოემართნენ. როგორაა ასახული ქართლი და მისი სულიერი ვითარება ამ წმინდა მამათა მოსვლისას, როგორი ქვეყანა დაუხვდათ წმ. ოოვანე ზედაზნელისა და მის მოწაფეებს? ცხადია, ეს ეპიზოდიც სახარებისეული სახისმეტყველებით წარიმართება, როგორც ეს არაერთგზის აღუნიშნავთ სამეცნიერო დიტერატურაში (პ. კაპელიძე, ლ. მენაბდე, რ. სირაძე და სხვ), წმ. ოოვანე ზედაზნელისა და მისი 12 მოწაფის ხატ-სახე მაცხოვრისა და მისი 12 მოწაფის პარადიგმაა. წმ. ოოვანე და მისი მოწაფეები ქართლისაკენ გაეშურნენ, როგორც აღთქმული ქვეყნისაკენ. ისინი თავდაპირველად მცხეთაში მოვიდნენ. წმ. შიო მღვიმელის „ცხოვრების“ მიხედვით, ეს ის დრო იყო, როდესაც წმ. სვიმეონ საკვირველთმოქმედი „ოორნესა შინა მჯდომარე იყო“. წმ. ოოვანე მოწაფეებთან ერთად მივიდა მასთან და კურთხევა გამოსთხოვა. ეს ასურელ მამათა ქართლში მოსვლის დროითი ორიენტირი უნდა იყოს, მაგრამ სამეცნიერო ლიტერატურაში ამ ცნობის შესახებ აზრთა სხვადასხვაობაა, ისიც გაურკვეველია, რომელი სვიმეონი იგულისხმება, უფროსი თუ უმცროსი, რაც დათარიღების შესახებ განსხვავებული აზრის არსებობის საფუძველს ქმნის. „წმ. ოოვანე ზედაზნელის ცხოვრების“ ამ ეპიზოდთან დაკავშირებით რ. სირაძემ მის შესაძლო წყაროზე მიუთითა და ესაა კირილე სკვითოპოლელის „წმ. საბა პალესტინელის ცხოვრება“, რომელშიც წმ. საბას კასტელის მიდამოებში დამკვიდრებასა და მისი „ეშმაკთა გუნდი-საგან“ განწმენდაზეა საუბარი (სირაძე, 1992: 48-49).

წყაროთა ნაწილი მიუთითებს, რომ ქართლის კათოლიკოსს ევლავიოსს ანგელოზმა წმ. ოოვანეს მეთაურობით ასურელ მამათა ქართლს მოსვლის ამბავი წინასწარ აუწყა, რის შემდეგაც იგი ეპისკოპოსებთან ერთად მცხეთის მისადგომებთან გამოეგება და აკურთხა ისინი. თხზულებაში ნათქვამია, რომ წმ. ოოვანე ამ შეხევდრისას სასწაულებრივად ალაპარაკდა ქართულად. პაგიოგრაფიაში ენის ფეხომენი განსაკუთრებულად დგის, იგი ევანგელურია, რადგან უცხო ქვეყანაში მოხვედრილ არც ერთ წმინდანს ენობრივი ბარიერი არ აქვს. ეს ფაქტი მარტინის, სულთმოფენობის დღეს დმერთის მიერ მოციქულთათვის იმ ენის ცოდნის მინიჭების პიპოდიგმად უნდა მივიჩნიოთ, რომელზეც უნდა ექადაგათ ქრისტიანობა ამა თუ იმ ქვეყანაში, რადგან ისინი მსოფლიოს სხვადასხვა კუთხეში, სხვადასხვა ქვეყანაში წარიგზავნენ ახალი სჯულის საქადაგებლად, რაც

„საქმე მოციქულთას“ ტექსტის მოტივაციით წარმოგვიდგება: „და ადსრულებასა მას დღისა მეერგასისასა, იყვნეს ყოველი ერთბამად ურთიერთას, და იყო მექსეულად ზეციო თხრა, ვითარცა მოწევნად ქარისა სასტიკისა, და აღიგსო ყოველი იგი სახლი, სადა-იგი იყვნეს მსხდომარე. და ეჩუენნეს მათ განყოფანი ენათანი ვითარცა ცეცხლისანი, და დაადგრა თითოეულად პაცად-პაცადსა მათსა ზედა. და აღიგსნეს ყოველი სულითა წმიდითა და იწყეს სიტყუად უცხოთა ენათა, ვითარცა სული იგი მოსცემდა მათ სიტყუად“ (საქმ. მოც. 2, 1-4).

მცხეთაში წმ. იოვანებ და მისმა მოწაფებმა მაცხოვრის კვართის ადგილზე წმ. ნინოს ლოცვით სასწაულებრივად აღმართულ ცხოველმყოფელ სვეტს თაყვანი სცეს და ღმერთს მათი მომავალი სამკვიდრებელი ადგილის მითითება შესთხოვეს, რასაც რ. სირაძე წმ. ნინოს მოღვაწეობას უკავშირებს (სირაძე, 1992: 52-54). ავტორი მცხეთის მთავარ ტაძარში ღმრთივადმართებულ წმინდა კათოლიკე სვეტს ახსენებს, რომლის აღმართვა გერავინ შეძლო და მხოლოდ წმ. ნინოს ლოცვით, ღმერთისადმი ვეძრებით, სასწაულებრივად აღმიართა. უკრადღებას იქცევს ის გარემოება, რომ „მოქცევად ქართლისას“ ოედაქციებში უველგან ცეცხლოვანი ჭაბუკია მოსხენიებული სვეტის აღმართველად, ხოლო „წმ. იოვანე ზედაზნელის ცხოვრება“ მას არ ახსენებს და ცხოველი სვეტი მაცხოვრის ძალით აღმართულადაა მიჩნეული. უვლის კვართის დაფლვის ადგილის, ცხოველი სვეტის მოლოცვის შემდეგ ღმერთმა წმ. იოვანესა და მის მოწაფებს მცხეთის მახლობლად მდებარე ზედაზნის მთა მიუთითა დასავანებლად, სადაც წმ. იოვანებ „სრბად თჟსი აღასრულა“ (ძეგლები, 1963/1964: 200); მომავალ სულიერ ცხოვრებაში მათი წინამდღვარია მაცხოვრის კვართი, ცხოველი სვეტი და კათოლიკე ეკლესია, რაც პავლე მოციქულის მოძღვრებითაა განმტკიცებული: „ვითარ ჯერ-არს სახლსა შინა ღმრთისასა ყოფად, რომელ არს ეკლესია, სუეტი და სიმტკიცე ჭეშმარიტებისა, რომელი-იგი, ეჩუენა ანგალოზთა, იქადაგა წარმართოა მორის და პრწმენა სოფელსა“ (შდრ.: I ტიმ. 3, 15-16).

წმ. იოვანებ და მისმა მოწაფებმა საღვთო სახლის მკვიდრობის მოპოვების გზაზე სვლისას კველა დაბრკოლება გადალაქეს, არაგვი გადაკვეთეს, ავიდნენ მთაზე, სადაც წმ. ნინოს მოღვაწეობის დროიდან მოყოლებული ჯვარი პატიოსანი იყო

აღმართული და თაყვანი სცეს მას. აქედან გადავიდნენ ზედაზნის მთაზე, სადაც პოვეს ნავსაყუდელი, ე.ი. ასურეთიძან//სირიიდან მოსული წმინდა მამები ზედაზნები დამკვიდრდნენ.

ზოგ წყაროში მითითებულია, რომ წმ. ოვანე ზედაზნელსა და მის მოწაფებს კათალიკოსმა ევლავიოსმა ზედაზნის მთაზე დამკვიდრება არ უჩია; აუხსნა, რომ ეს მთა უკაცურია, რადგან იქ ადრე წარმართოა საალოცავი და კერპები იყო, რომლებიც, მართალია, წმ. ნინომ დაამსხვრია, მაგრამ მას შემდეგ იქ ჯერ კიდევ ავი სულები მაინც ბინადრობდნენ. ამ თვალსაზრისით მეტად მნიშვნელოვანია რ. სირაძის მოსაზრება დემონლოგიის შესახებ, რომლის მიხედვით წმინდანებს დაბრკოლება ხვდებათ სულიერი განვითარების გზაზე (სირაძე, 1992: 49-50). დემონთა სამკვიდრებელი სულიერად უნდა განწმენდილიყო, რის პატივიც წილად ხვდათ ასურელ//სირიელ წმინდა მამებს წმ. ოვანე ზედაზნელის მეთაურობით. მათ აზრი არ შეიცვალეს, რის შემდეგაც კათალიკოსმა ისინი აკურთხა, დალოცა და გაუშვა. ზედაზნის მიღამოების ხილვამ წმ. ოვანე ზედაზნელს წარუშლელი შთაბეჭდილებები დაუტოვა, რადგან იგი განდეგილური ცხოვრებისა და მოღვაწეობისათვის სავსებით შესაფერისი იყო. ეს იყო დაუსახლებელი ადგილი, სადაც მხოლოდ მხეცები ბინადრობდნენ. წმ. ოვანე ზედაზნელის დამკვიდრება ზედაზნის მთაზე ფსალმუნური სიტყვებითაა მოტივირებული: „ესე არს განსასუენებელი ჩემი, უკუე ამას დავემკდრო, რამეოუ მთნავს ესე“ (ფს. 131, 14). ასალნერგ წმინდა მამებს დიდი მისია ეკისრებოდათ. ისინი გამუდმებით ლოცულობდნენ, რათა ეს ადგილი ბოროტი ძალებისაგან მაღლ განწმენდილიყო.

წმ. ოვანეს ზედაზნები დამკვიდრებას თხზულების ავტორი ორგარად ხსნის:

1. როგორც აარონის შესამოსელზე, კვართზე, 12 პატიოსანი თვალი განლაგდა და იყო ყველასთვის როგორც სამკურნალო და სარგებელი, ასე წმ. ოვანე და მისი 12 მოწაფე უნდა გამხდარიყო სამკაული და გვირგვინი წმინდა ქალაქისათვის, ე.ი. მცხეთისათვის, რომელიც სხვადასხვა წყაროში, განსაკუთრებით ქართლის ქრისტიანობაზე მოქცევის ამსახველ თხზულებებში, იერუსალიმის მოდელით წარმოგვიდგება<sup>3</sup>: „რათა

<sup>3</sup> მცხეთის იერუსალიმის მოდელით წარმოსახვის, კერძოდ ტობონიმური თვალსაზრისით თანხვედრის, თაობაზე საგანგებო სამეცნიერო ნაშრომი ეკუთვნის კორნელი აკეპლიძეს (კეპლიძე, 1957: 362). ამავე

სამკაულ იქმნას და გვრგზნ ჩუენისა ამის ქალაქისა იგი და მოწაფენი მისნი, ათორმეტი იგი თუალი პატივ-ცემული მიხედვითა, განდგმულ კუართსა მას აარონისა, სარგებელ და მკურნალ ყოველთათვეს მყოფთა ქალაქისა ამის ჩუენისა, რომელი ხადიან მათ, რომელი მცირედ შემდგომად მიგეთხრას“ (ძეგლები, 1963/1964: 201-202);

2. ზედაზენ ქართველ წარჩინებულთა და დიდებულთათვის კერპომსახურების ადგილი იყო, იგი წმ. ოვანე ზედაზნელისა და მისი მოწაფეების იქ დამკეთირებით უკეთურებისაგან უნდა განწმენდილიყო, როგორც წმ. საბა განწმენდილმა განწმინდა ეშმაკეულისაგან „ადგილი კასტელისა“ (ძეგლები, 1963/1964: 202). ის ადგილი, სადაც წარმართულ ეპოქაში მსხვერპლ შეწირვა მიმდინარეობდა, ბოროტი ძალები ბინადრობდნენ, ეშმაკთა გუნდისაგან, ნაკერპავებისა და კერპომსახურების კვალისაგან უნდა გათავისუფლებულიყო და ეს უდიდესი მისია წმ. ოვანე ზედაზნელისა და მის მოწაფეებს ეკისრებოდათ. ამგვარად მგვიდრებიან ასურელი/სირიელი წმინდა მამები ზედაზნის მთაზე, უღრან ტყეში, კაცოაგან მიუვალ და მხეცთა სავანედ ქცეულ ადგილას (სირაძე, 1992: 49-50).

წმ. ოვანე ზედაზნელი და მისი მოწაფეები, როგორც აღნიშნულია სამეცნიერო ლიტერატურაში, მაცხოვრისა და მისი მოციქულების ჰიპოდიგმურ-პარადიგმული სახისმეტყველებით არიან წარმოდგენილნი; მაცხოვრის დარად, წმ. ოვანე ზედაზნელიც თავის მოწაფეებს მოძღვრავს, ასწავლის ბერულ, განდევილურ და ლავრულ ცხოვრებას. მის მიერ მოწაფეთა მიმართ წარმოთქმული მოძღვრება-დარიგებები, ცალკე აღებული, პომილიის ტიპისაა და რომლებიც, ანუ ეს „სწავლანი“, ზემოთაც აღინიშნა, რ. სირაძის გარაუდით, წმ. ოვანე ზედაზნელის

---

საკითხის შესახებ მნიშვნელოვანი შეხედულებები გამოთქვა რევაზ სირაძე (სირაძე, 1992: 35-48). მცხეთა – ახალი იერუსალიმი სამეცნიერო ლიტერატურაში საგანგებო კვლევის საგანი გახდა და ერთმანეთისაგან განსხვავებული შეხედულებებიც გამოითქვა. მარიამ ჩხარტიშვილმა მცხეთისა და მისი შემოგარენის ჰიეროტოპის, ახალი იერუსალიმის მოდელის საკითხს ქართული იდეტობის ისტორიის კონტექსტში განიხილა (ჩხარტიშვილი, 2019: 83-110). ასევე, თავის ბოლოდროინდელ შრომებში თამილა მგალობლიშვილმა განიხილა იგივე საკითხი განსხვავებული კუთხით. ამავე საკითხს შეეხებ ედიშერ ჭელიძე, და იავორსკაია, „ა. ლიდოვი, გ. გაგოშიძე და სხვ. ა. ლიდოვის ინიციატივით საერთაშორისო სიმპოზიუმის თემა იყო ახალი იერუსალიმები ქრისტიანულ კულტურაში, რომლის მასალები 2006 წელს მოსკოვში გამოქვეყნდა.“

მიერაა შექმნილი; თუ „წმ. ეკსტათი მცხეთელის წამების“ ტექსტის თარგუმებს, ბიბლიური სიუკეტების მიხედვით მონათხობს, მაგრამ რედაქციულად მაინც განსხვავებულს, გავიხსნებთ, უთუოდ შევნიშნავთ, რომ „წმ. იოვანე ზედაზნელის ცხოვრებაშიც“ ამგვარი მონათხობი სიმბოლურ მნიშვნელობას იძენს. ამ მხრივ უაღრესად საინტერესოა ადამის ბიბლიური ეპიზოდის გადმოცემა და გააზრება. ამავე დროს, ისიც უნდა აღინიშნოს, რომ ბიბლიურ ეპიზოდს წმ. იოვანე ზედაზნელი თავის კომენტარებს ურთავს, რაც წმინდანის საღვთისმეტყველო საზრისის, მსოფლმხედველობის გასაცნობად არის მნიშვნელოვანი.

წმ. იოვანე ზედაზნელის მოძღვრება, ე.წ. „სწავლანი“, აღსავსეა საღვთო სიბრძნით, ზნეობრიობითა და ღმრთივსულიერობით. მის სიტყვებში გამოსჭვივის ქრისტიანული საღვთისმეტყველო ლიტერატურის ღრმა ცოდნა, დიდი სულიერი გამოცდილება, დამოკიდებულება ამქვეუნიურობისა და ზესთასოფლისადმი, ძველი და ახალი აღთქმის პრინციპების ბერმონაზვნურ ყოფაში გატარებისა და დოგმების დაცვის აუცილებლობა. წმ. იოვანეს მოძღვრებაში ახსნილია ანგელოზთა და კაცთა ბუნების, სოფლისა და ზესთასოფლის რაობა, ღვთისმეტყველების ღრმააზროვანი დებულებების საფუძველზე განმარტებულია, ვინ არის და რისთვის მოსულა ადამიანი; მან მოწაფებს ადამის ცოორის, აკრძალული ნაყოფის გემოვსხილვის ბიბლიური სიუკეტიც გაახსენა, რათა უცოომლად სიარულს, ბერულ ღვაწლს მიჩვეოდნენ. მოწაფები გააფრთხილა, რომ ღვთის მცნებებს არ გარდასულიყვნენ, რათა „არა ჩამოგინქრიოს ქვით“ და „აღზრასხსნეთ მას ნებასა ქუეშე სულიერებისასა, რათა ეგნეთ პირველსავე მას დაბადებულსა, რომელსა მიგუაქცივნა უფალმან ჩუენმან“ (ძეგლები, 1963/1964: 205); ყოველი ადამიანი ღვთისგან ქმნილი პირველსატის დაბრუნებას უნდა ცდილობდეს და მის მისაღწვევად ღმრთივსულიერი ცხოვრებით იღვაწოს. წმ. იოვანე ზედაზნელის საღვთისმეტყველო მოძღვრებას თხზულებაში მნიშვნელოვანი ადგილი უჭირავს, რადგან იგი ბიბლიურ-ევანგელური სწავლებებითაა გაჯერებული და, ვაქტობრივად, გზამკვლევია ყოველი ლაგრულად მცხოვრები/მოღვაწე თუ განდეგილი ბერმონაზონისათვის. წმ. იოვანემ ეს მოძღვრება თავისი მოწაფების საქართველოს სხვადასხვა კუთხეში გადანაწილების წინ წარმოთქვა და ამიტომაც აქვს მას კონცეპტუალური მნიშვნელობა. წმ. იოვანე ზედაზნელის მოწაფებმა

ამ მოძღვრების პალიტაზე უნდა იდგაწონ და სხვებსაც ასწავლონ საღვთო გზით სიარული.

უპე ითქვა, რომ წმ. ოოვანეს მარტოდმყოფობა ჯერ კიდევ ასურეთში/სირიაში სწადდა, რის გამოც ზედაზენს დამკვიდრებულმა მოწაფეებს ურჩია საქართველოს სხვადასხვა კუთხეში გადანაწილება, რათა უკელა კუთხე მათი მოციქულებრივი მაღლის ნაწილები გამხდარიყო. ესეც ევანგელურ-პარასტოლური სწავლებითაა გაჯერებული და ჰიპოდიგმურ-პარადიგმული სტრუქტურით მოცემული, როგორც ქრისტიანული მოძღვრების ვერტიკალურ-პიროზონტალურ ჭრილში გავრცელება. ამიტომ თავის მოწაფეებს ნება მისცა, რათა ქართლისა და კახეთის სხვადასხვა კუთხეში ქრისტიანობის საქადაგებლად და განსამტკიცებლად წასულიყვნენ. თან გაატანა ასურეთიდან წამოდებული წმინდა ნაწილები და აუხსნა მათი ღმრთივსულიერი მისია, რომ მათ უდიდესი მნიშვნელობა ჰქონდათ, ეს წმინდა ნაწილები მათი მფარველი უნდა ყოფილიყო და ეკლესიებში დაბრძანებულთ კი მრევლი უნდა დაეცვა. წმინდა ნაწილებს ბერმონაზვნები და მრევლი ხილული და უხილავი მტრისაგან უნდა დაეცვა, უნდა გაემსნევებინა, სულიერად გაეძლიერებინა და დვთაებრივი მაღლით აღვესო. ზოგიერთი პაგიოგრაფიული და საისტორიო წყაროს ცნობით, წმ. ოოვანეს ყოვლადწმიდა დვთისმშობელი და წმ. ნინო გამოეცხადნენ და მოწაფეები მაცხოვრის სახელის საღიღებლად მათი სურვილით გაუშვა.

შემთხვევითი არ არის თხზულებაში წმ. ნინოს მიერ ქართლში განმანათლებლის მისით მოსკლის, სვეტი ცხოვლის აღმართვის ეპიზოდების ჩართვა, რადგან ამ სულიერ მონაპოვრებს, მიუხედავად ხანგრძლივი დროის განმავლობაში საქართველოში ქრისტიანობის სახელმწიფოებრივ რელიგიად არსებობისა, გაძლიერება და განმტკიცება სჭირდებოდა. როგორც მაცხოვრის მოწაფეებმა მსოფლიოს სხვადასხვა კუთხეში იქადაგეს ქრისტიანობა, ასევე, წმ. ოოვანე ზედაზნელის მოწაფეები ქართლისა და კახეთის სხვადასხვა კუთხეში დამკვიდრდნენ, ზოგი – უდაბნოში, ზოგი – მთაზე, ზოგიც – გამოქაბულში: წმ. შიო იქმნა ზედაზნობან ახლოს მდებარე მღვიმეში წავიდა, რომელიც ამჟამად შომმდგომის სახელითაა ცნობილი; წმ. დავითი ჯერ თბილისში იმყოფებოდა და მთაწმინდის კალთაზე მონასტერი დაარსა, რომელსაც მამა დავითის ეკლესია ეწოდა, ხოლო შემდეგ გარეკახეთში გარეჯის მიდამოებს მიაშურა და ლავრა დაარსა, რომელსაც მოგვიანებით ქართველთა სინა

უწოდეს; წმ. ოოსებ ალავერდელმა კახეთში ალავერდის მონასტერი დააარსა. წმ. ანტონ მარტყოფელმა მარტყოფის მიდამოებს მიაშურა, მაცხოვრის ხელოუქმნელი ხატი თავის დაარსებულ ღვთაების მონასტერში დააბრძანა, ხოლო თვითონ სიცოცხლის ბოლო წლები იქვე ახლო მთაზე მდებარე, საგანგებოდ აგებულ სვეტზე გაატარა. ყოველივე ეს მარტვილის, სულთმოვნობის დღესასწაულის ტოლფარდად არის ასახული თხულებაში, რადგან როგორც მაცხოვარმა გაანაწილა თავისი მოწაფები ქრისტიანობის საქადაგებლად, ასევე, წმ. ოოვანე ზედაზნელმა თავისი მოწაფები დაგზავნა საქართველოს კუთხებში საგანგებო მისით. თვითონ წმ. ოოვანე ელია დიაკონთან ერთად დარჩა ზედაზნებზე, სადაც კლდეში გამოქვაბული იპოვა და იქ დამკვიდრდა. გამოქვაბულში მისი მკვიდრობა ერთგვარად ხულიოსის ქვაბში მკვიდრობის წინასახედ მოიაზრება, რაც წმ. ოოვანე ზედაზნელს ხულიოსის არქებიპადაც წარმოგვიდგენს. საყურადღებოა ისიც, რომ წმ. ოოვანე ზედაზნელმა თავის სიცოცხლეში ზედაზნის მიდამოებში მონასტრის შენების ნება არავის მისცა, როგორც ხულიოსმა ხანცთაში არავის ააშენებინა მონასტერი. გამოქვაბულში მკვიდრობას, ჩაკეტილ სივრცეში მკვიდრობას სიმბოლური დატვირთვა აქვს, რადგან ქვაბიდან, მდვიმიდან იწყება წმინდანის ხულიერი განდმრთობა.

რა იყო ასურელ მამათა ძირითადი მისია საქართველოში მოსვლისას? ის, რაზეც სამეცნიერო ლიტერატურაში ჯერაც არ წყდება კამათი, რომელი მრწამსის, რომელი აღმსარებლობისანი იყვნენ ასურელი წმინდა მამები, ვინ იყვნენ ისინი თავიანთი ცნობიერებით: დიოფიზიტები თუ მონოფიზიტები? თუ დავაკვირდებით მათ სამოღვაწეო ადგილებს ქართლისა და კახეთის სანახებში, ყველანი აღმოსავლეთ საქართველოში მკვიდრდებიან დავრული ცხოვრების დასამკვიდრებლად. ასურელი მამები იღვწიან აღმოსავლეთ საქართველოს სხვადსხვა კუთხეში, არც ერთი მათგანი დასავლეთ საქართველოში არ გადასულა და იქ არ უდვაწია, რაც უთუოდ ბადებს კითხვებს. უნდა გაირკვეს, რამ გამოიწყია, რა იყო ამის მიზეზი. ჩემი აზრით, სორედ ესაა ასურელ მამათა სულიერი მისიის საფუძველი, მათ ქართლსა და კახეთში უნდა ექადაგათ და განემზეცებინათ დიოფიზიტური ცნობიერება და მრწამსი, რომელსაც უპირისპირდებოდა ირანი ბიზანტიის იმპერიის საწინააღმდეგოდ. სამეცნიერო ლიტერატურაში დეტალურადაა განხილული ირანის მიერ ქართლში მეფობის გაუქმების საკითხი და გარკვეულია,

რომ VI საუკუნეში აღმოსავლეთ საქართველო ირანის პოლიტიკური გავლენის ქვეშ იმყოფება, მან 532 წლიდან მოყოლებული ქართლის სამეფო დაიქვემდებარა. პოლიტიკურად ძლიერი ირანი ასევე პოლიტიკურად ძლიერი ბიზანტიის იმპერიის საწინააღმდეგო ნაბიჯებს დგამს, რის გამოც ქართლისა და სომხეთის ეკლესიებისაგან მონოფიზიტობის დაცვას მოითხოვს, რადგან ბიზანტიაში 451 წელს ქალკედონის IV საუკლესიო კრების გადაწყვეტილების საფუძველზე ოფიციალურ მრწამსად, აღმსარებლობად დიოფიზიტობა გამოცხადდა. VI საუკუნის დამლევსა და VII საუკუნის დამდეგს, 607-609 წლებში ქართლის კათალიკოსის, კირიონ/კირონის ძალისხმევით, რომელიც ამავე დროს პოლიტიკური აღდოიანობითა და გამჭრიახობით გამოირჩეოდა, ქართლმა შეძლო მონოფიზიტობისაგან თავის დაღწევა და დიოფიზიტურ ცნობიერებაზე გადასვლა. ეს იყო საქართველოს მიერ აღბული მკვეთრი პოლიტიკურ-იდეოლოგიური კურსი, რომელიც დასავლეთისაკენ იყო მიმართული. რა ხდებოდა ამ დროს დასავლეთ საქართველოში? რატომ არ წავიდა არც ერთი ასურელი მამა დასავლეთ საქართველოში? იქნებ, იმიტომ, რომ იქ ბიზანტიის იმპერიის გავლენით დიოფიზიტური ცნობიერება ისედაც მკვიდრობდა და ახალ მოციქულებრივ დვაწლს არ საჭიროებდა, იმ დვაწლს, რაც ასურელ მამებს დაეკისრათ და ქართლი, კახეთი, კუხეთი დიოფიზიტურ ცნობიერებაზე გადაეყვანა. ბიზანტიის იმპერიის გავლენის ქვეშ მყოფ დასავლეთ საქართველოში დიოფიზიტურ ცნობიერებას საფრთხე არ შექმნია. ამიტომაც არ გადასულან ასურელი მამები დასავლეთ საქართველოში, რომელიც მათი მოღვაწეობის გეოგრაფიულ სივრცედ არ ქცეულა. ეს ვარაუდის სახით გამოოქმული შეხედულებაა და იგი შემდგომ კვლევას მოითხოვს.

წმ. იოვანე ზედაზნელმა და მისმა მოწაფეებმა ბევრი სასწაული ჩაიდინეს და ბევრი სნეული განკურნეს, რამაც მათ მთელს ქართლში სახელი გაუთქა. ისინი ბევრს ლოცულობდნენ, იდვწოდნენ სულის საოხად და სულიერი განდღოთობისათვის. მათი საქმიანობა და სახელგანთქმულობა ავტორმა, სხვა პაგიოგრაფთა მსგავსად, სანთლის ხვიმირს ზემოთ გადგმის ევანგელიური სიმბოლიკით ასახა. როგორც მათეს სახარება გვასწავლის: „არავინ ადანთის სანთელი და შედგის იგი ქუმჟეკშირსა, არამედ ზედა სასანთლესა გადგიან, რათა პნათობდეს ქოველთა; ეგრე ბრწყინევდინ ნათელი თქუენი წინაშე კაცთა“

(მათე, 5, 15-16). ასევე, წმ. იოვანე ზედაზნელისა და მის მოწაფეთა შესახებ პაგიოგრაფი-მწერალი გვამცნობს: „გამოუბრუცინდა ვითარცა მთიები განთიადისაა, რომელმან უარულად ადიდა ლმერთი და მის მიერ განავრცნა წიაღნი მისნი და დაიტია ნათელი იგი დიდი მაღლით მოყვანებული, რამეთუ ვერ შესაძლებელ იყო, ვითარმცა ვინ ადანთის სანთელი და დაფარა ხუმირსა, არამედ ზედა სასანოლესა, რათა პნათობდეს კაცოა“ (ძეგლები, 1963//1964: 213). ეს მოტივი კიდევ ბევრჯერ შეგვხვდება ქართულ და ბიზანტიურ პაგიოგრაფიაში.

„წმ. იოვანე ზედაზნელის ცხოვრებაში“, სხვა ასურელ მამათა „ცხოვრებების“ მსგავსად, ცხოველთა მოთვინიერების ეპიზოდი აისახა. ამ მხრივ შესაძლოა იგი სხვა ასურელ მამათა „ცხორებების“ წინასახეც იყოს, როგორც ასურელ მამათა შესახებ შექმნილი პირველი პაგიოგრაფიული ნაწარმოები. კერძოდ, „წმ. იოვანე ზედაზნელის ცხოვრების“ ავტორი დათვის ეპიზოდს გვიამბობს, რასაც სიმბოლური ფუნქცია ენიჭება, რადგან წმინდანის სიტყვა მასზეც გავლენას ახდენს: „მჩეცებრივსა მას ბუნებასა უტყუსა და უგუნურსა ესმინა სიტყუად იგი წმიდათა, და ჩუქნ მცეცთა უბოროტესად გამოვჩნდით, ყოფილთა მათ შორის აღმოვიყოთხავთ და მოცემულნი იგი მცნებანი გუასმიან და ვნებად მოყვასთა ჩუქნთა არა დავსცხოვებით“ (ძეგლები, 1963//1964: 215). ცხოველთა მოთვინიერების ეპიზოდები ასახულია „წმ. შიო მღვიმელის ცხოვრებას“ და „წმ. დავით გარეჯელის ცხოვრებაში“.

უადრესად მნიშვნელოვანია წმ. იოვანე ზედაზნელის დარიგები ასურელ წმინდა მამათა მიმართ; ესაა ქრისტიანული მოძღვრებით გაჯერებული და ნასაზრდოები ქადაგება, რომელიც ბიზანტიურ პომილებით სებსაც მოგვაგონებს და ქართველ ქადაგებლებსაც. მათ ქადაგებებს შორის ბევრია საერთო. მაგრამ წმ. იოვანე ზედაზნელის მიერ თავისი მოწაფეების დასამოძღვრად წარმოოქმული სიტყვა შეზავებულია „მარილითა მადლისათა“ (გიორგი მერჩულე), რომელშიც ზექობრივეთიკური თვალხედვა, წმინდა მამათა ცხოვრების წესები, მათი ყოველი ქცევა განპირობებულია ღრმა სიბრძნითა და ცოდნით. ამავე დროს, იგი ყურადღებას იქცევს რიტორიკული ხერხებით, სახისმეტყველებით ასპექტებითა და ლიტერატურულ-მხატვრული საშუალებებით. ავტორის მხატვრულ ოსტატობას გვიმოწმებს მისი სააზროვნო სამყარო და სივრცე, რომელშიც სამოთხისა და ამქმექნიური სამყაროს შეპირისპირებით იშვიათი

მხატვრული სურათია დახატული. ავტორმა სოფელი მიიჩნია „ეკლოვან ქუეყანად“, ხოლო ზესთასოფელი – დგომისაგან ბოძებულად. მისი მოძღვრება და სწავლება შეეხება პირველ-ცოდვის არსის ახსნას, რაც მოპყვა პირველ ადამიანთა გემოსხილვას, ამიტომ ურჩევს მოწაფეებს, თავი აარიდონ ურჩებას, ნაყროვანებას, რასაც მოპყვა სამოთხიდან ადამის გამოდგვნა: „რამეთუ შუებისა და საჭმლისაგან იშვა ურჩებად იგი ადამისი, რომელი ნაშობთა მისთა ზედა დადგრომილ არს. ამან გამოკადა იგი სამოთხისა მისგან საშუებელთავსა. უკუე სჯული იგი მარხვისად დაემარხა, არამცა მოცემულ იყო ჩუქნდა ეკლოვანი ესე ქუეყანად, არცა სიკუდილი უფლებდა ჩუქნ ზედა, დადათუ ძლიერებად იგი მაღლით დაამდაბლებდა“ (ძეგლები, 1963/1964: 203). „ეკლოვანი“ სოფელი სიმბოლური ხატ-სახეა, რომლის ალუზიები, რემინისცენციები ხშირად გვხვდება საერო მხატვრულ ლიტერატურაში. ფაქტობრივად, ავტორმა მეტაფორულად გამოხატა წუთისოფლის რაობა და არს.

წმ. იოვანე ზედაზნელის აღსასრულის შესახებ მოგვითხრობს „წმ. შიონა და ევაგრეს ცხოვრებაც“, რომელშიც წმ. იოვანე ზედაზნელმა თავის მოწაფეთა ხილვა და მათი ნადვაწის შეფასება მოისურვა. მან თავის მოწაფეთ განუცხადა, რომ მისი აღსასრულის ქამი მოწვენულ იყო და მალე აღვიდოდა უფალთან, მაგრამ „ეშინოდა ჰაერის მცველთაგან, რამეთუ საზარელ არიან, დაყენებენ სულსა, რათა არა აღვიდეს სასუფეველად“ (ძეგლები, 1963/1964: 227). ამიტომ მოწაფეებს შესთხოვა, რომ მისი სულისათვის ელოცათ. ჰაერის მცველები ბოროტი ძალები არიან და ადამიანთა სულებს აყოფნებენ, სასუფეველის გზაზე ედობებიან (რუხაძე, 2003: 176). წმ. იოვანე ზედაზნელმა სიკვდილის წინ მოწაფეები დამოძღვრა და დაუბარა, დაეკრძალათ მისსავე არჩეულ გამოქვაბულში. მოწაფეებმა ეს ადგილი მისი ნეშტის დაფლვისათვის შეუფერებლად მიიჩნიეს და, ანდერძის მიუხედავად, ლუსკუმაში ჩასვენებული მისი ერთ-ერთი მოწაფის თათას მიერ აშენებულ მონასტერში პატივით დაკრძალეს. წმ. იოვანეს ცხედარმა ეს ადგილი ვერ იგუა და მოხდა სასწაული, დაიწყო მიწისძვრა, რაც იმის ნიშანი იყო, რომ წმ. იოვანეს ნეშტი მის მოწაფეებსა და ზედაზნზე დამკვიდრებულ ბერმონაზნებს იქ არ უნდა დაეტოვებინათ. კათოლიკოსის ნებართვითა და ლოცვით იგი გადაასვენეს წმინდანის მიერ დაბარებულ ადგილს, მდვიმეში, სადაც შემდეგ ეკლესია აშენდა. ესეც წმინდანთა თავმდაბლობის მაუწყებელია, რადგან ისინი ამქვეყნიურ

ცხოვრებაში არასოდეს მიელტვიან სიმდიდრეს და არც გარდაცვალების შემდეგ სურთ მდიდრული საფლავი. წმ. გრიგოლ ხანცოლმაც ხომ თავისი მმობის წევრებს შორის მოისურვა სამუდამო განსასვენებელი. ყოველივე ეს წმინდანთა შემაქობელი თავმდაბლობაა, მათი თვისებაა. წმ. იოვანე ზედაზნელის გარდაცვალება და მისი ზეცად აღსვლა, ზესთასოფელში გადანაცვლება წარმოსახულია იაკობის კიბის სიმბოლიკით, რომელზეც ანგელოზები გადმოდიოდნენ და წმინდა მამის სულს ზეცად აღიყვანდნენ, რაც, აგრეთვე, სიმბოლური ხატმეტყველებით გამორჩეული ეპიზოდია. დიდი ხნის შემდეგ ამ მდგიმელსთან, მის აღმოსავლეთით, კათალიკოსმა კლემენტოსმა ააშენა იოანე ნათლისმცემლის სახელობის ეკლესია.

თხზულებაში ყურადღებას იქცევს იმ გეოგრაფიული სივრცის აღწერა, სადაც ბერები მკვიდრდებიან და მონასტრებს აშენებენ. ჰაგიოგრაფიულ ნაწარმოებებში ბუნების აღწერა ყოველთვის მიზანდასახულია, მას ბერმონაზონთა სამოღვაწეო აღგილის მკითხველთათვის გაცნობის მხატვრული ფუნქცია ეკისრება და შესაძლოა რეალური სურათი არც იყოს დახატული. ბუნება და ბერის სამოღვაწეო აღგილი ერთმანეთთან შეხამძეული უნდა იყოს, ბუნება ხელს უნდა უწყობდეს ასკეტურ ყოფას, განდეგილურ ცხოვრება-მოღვაწეობას. გაფიხსენოთ იაკობ ხუცესის ჰაგიოგრაფიული თხზულება და მასში გადმოცემული ქვემო ქართლის ბუნების სურათი, რომელიც შესაძლოა ისეთი მკაცრი სულაც არ ყოფილიყო, როგორადაც იაკობმა დახატა. „წმ. იოვანე ზედაზნელის ცხოვრებაში“ ზედაზნის მთის ბუნებაა ასახული და მისი სიმკაცრეა ნაჩვენები. ცხადია, ავტორს ამგვარი მკაცრი ბუნების დახასიათება-აღწერა მოღვაწის ღვაწლის სიმბიმის სახვენებლად სჭირდება. ბერს მძიმე ყოფა აქვს, მძიმე პირობებში უწევს ცხოვრება; მომავალი ბერებისათვის ეს დეტალი გაფრთხილებაა, რადგან ამგვარ როულ პირობებს შესაძლოა ყველამ ვერ გაუძლოს. წმ. იოვანე ზედაზნელის მოწაფეს, ელია დიაკონს, გაუჭირდა კიდევ. ავტორი გვიამბობს, თუ როგორ გაჩნდა წყარო ზედაზნის მთაზე და იგი მოსე წინასწამეტყველის მიერ ქორების კლდესთან კვერთხის დაკვრის შედეგად წყაროს გადმოსვლის პარადიგმითაა წარმოდგენილი. ისევ სიმბოლური აზროვნების კვალობაზე ააანალიზებს ავტორი კლდისა და კვერთხის სიმბოლურ მნიშვნელობას: „კლდე იგი სახე ქრისტესი იყო და კუერთხი იგი აჩრდილი ჯუარისაა“ (ძეგლები, 1963//1964: 212). როგორც მოსე

წინასწარმეტყველმა უგვიპტის მონობიდან გამოხსნილი ებრა-ელები კლდეზე კვერთხის დარტყმის შედეგად გადმოსული წყლით დაარწყელა, ასე წმ. ოვანე ზედაზნელის ლოცვით ზე-დაზნის მთაზე გადმოვიდა წყარო, „ტკბილი, გრილი და ფრიად შუენიერი მდიდრად, რომელი დის მყოფთათვს მის მონასტ-რისათა“ (ძეგლები, 1963//1964: 212), რომელიც არა მხოლოდ დასალევად, არამედ საკურნებლად გამოიყენებოდა.

### **შედეგები და დასკვნები.**

ასურელ მამათა მოღვაწეობამ ღრმა კვალი გაავლო ქარ-თული ეპლესის, ქართული კულტურის, საქართველოს ისტო-რის, ქართული ლიტერატურის ისტორიაში. წმ. ოვანე ზედაზ-ნელმა აღასრულა სრბად თვისი და დატოვა წმინდანის სახელი. მან და მისმა მოწაფეებმა უდიდესი მნიშვნელობის საქმეს ჩაუყარეს საფუძველი, ეს ლავრული ცხოვრება იყო, ხოლო სამონასტრო ცხოვრებას მოჰყვებოდა სარწმუნოებრივი და სახელმწიფოებრივი საქმეებიც, რადგან მონასტერი ის ადგილი, ის სივრცე იყო, სადაც იწერებოდა თხზულებები, სრულდებოდა თარგმანები უცხო ენებიდან, ვითარდებოდა ხატწერა, ფრეს-კული მხატვრობა, ხუროთმოძღვრება, მიმდინარეობდა ხელნა-წერთა გადაწერა-გამრავლება, მონასტრებში არსებობდა სამგა-ლობლო სკოლები, რომლებსაც ერის სულიერი აღმზრდელის როლი ეკისრებოდა, რადგან იგი, როგორც სიტყვისა და მელოსის ნაზავი, მსმენელზე უდიდეს სულიერ გავლენას ახდენ-და. ყოველივე ეს ქართველი ერის სულიერი, ინტელექტუალური და მატერიალური კულტურის საკუთრებად იქცა. ვფიქრობ, რომ ასურელ მამათა უდიდესი დამსახურება იყო ქართული ეპლე-სის დიოციზიტურ ცნობიერებაზე გადასვლა, რაც დასავლურ პოლიტიკურ-იდეოლოგიურ ორიენტაციას მოწმობს. მათ განსა-კუთრებული, მოციქულებრივი, კონცეპტუალური როლი შეასრულეს ქართველი ერის ქრისტიანული მართლმადიდებ-ლური აღმსარებლობის, დიოციზიტური ცნობიერების დამკვიდ-რებაში, რაც ეპოქალურ მოვლენად აღიქმება. ყოველი ამ დიდი მნიშვნელობის მქონე საქმეთა სათავეებთან წმ. ოვანე ზედა-ზნელი და მისი მოწაფეები დგანან.

### **გამოყენებული ლიტერატურა:**

1. ახალი ადოქმა, 1994: ახალი ადოქმა, წმ. გიორგი მთაწმინ-დელის რედაქცია, თბილისი, 1994.

2. გრიგოლაშვილი, 1983: ლ. გრიგოლაშვილი, დროისა და სივრცის პოეტიკა ქართულ პიმნოგრაფიაში, კრებ.: ივირონი – 1000. თსუ გამომც., 1983.
3. კეკელიძე, 1957: К. Кекелидзе, К вопросу об иерусалимском происхождении грузинской церкви, Этюды из истории древнегрузинской литературы, Тбилиси, 1957.
4. ლიდოვი, 2009: А. М. Лидов, Новые Иерусалимы. Икротопия и иконография сакральных пространств, Москва, 2009.
5. რუხაძე, 2003: ლ. რუხაძე, „ჰაერის მცველის“ სახისმეტყველებისათვის ძველ ქართულ ლიტერატურაში, ლიტერატურული ძიებანი, XXIV, თბილისი, 2003.
6. სირაძე, 1992: რ. სირაძე, „ვიცი, რაისათვეს ვარ“, წიგნში: ქრისტიანული კულტურა და ქართული მწერლობა, I, თბილისი, 1992.
7. სირაძე, 1975: რ. სირაძე, ძველი ქართული თეორიულ-ლიტერატურული აზროვნების საკითხები, თბილისი, 1975.
8. ფერაძე, 2006: გრ. ფერაძე, ბერმონაზენობის დასაწყისი საქართველოში, თარგმნა თამარ ჭუმბურიძემ, თბილისი, 2006.
9. ფსალმუნი, 1960: ფსალმუნი, გამოსაცემად მოამზადა და გამოკვლევა დაურთო მზექალა შანიძემ, თბილისი, 1960.
10. ძეგლები, 1963/1964: ძეგლი ქართული აგიოგრაფიული ლიტერატურის ძეგლები, I, დასაბეჭდად მოამზადეს ილ. აბულაძემ, ლ. ათანელიშვილმა, ნ. გოგუაძემ, ლ. ქაჯაიამ, ც. ქურციკიძემ და ც. ჯდამაიამ, ილია აბულაძის ხელმძღვანელობითა და რედაქციით, თბილისი, 1963-1964.
11. ჩხარტიშვილი, 2019: მ. ჩხარტიშვილი, ჰიეროტოპიული პროექტი „მცხეთა – ახალი იერუსალიმი“ ქართული იდენტობის ისტორიის კონტექსტში, კრებ.: ელდარ მამისოვალისშვილი – 80, გორის სასწავლო სახელმწიფო უნივერსიტეტის გამომცემლობა, 2019.
12. ჯიქია, 2002: ა. ჯიქია, IV-V საუკუნეთა ქართლის მონაზენური ცხოვრების შესწავლისათვის, ლიტერატურული ძიებანი, XXIII, თბილისი, 2002.